



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ
ՀՐԱՄԱՆ

No 1853Ա/2

«12» «11» 2021 թ.

**«ԱԼԵՔՍԱՆԴՐ ՍՊԵՆԴԻԱՐՅԱՆ» ՍՎԱՎԱՌԱԿՈՎ ԳԻՐՔ-ԱԼԲՈՄԻ
ԹՈՂԱՐԿՈՒՄ» ԾՐԱԳԻՐԸ ՀԱՍՏԱՏԵԼՈՒ ԵՎ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2021 թվականի պետական բյուջեի մասին» Հայաստանի Հանրապետության օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով, ինչպես նաև Հայաստանի Հանրապետության կառավարության 2021 թվականի հոկտեմբերի 21-ի N 1735-Ն որոշմամբ՝ ՅՈՒՆԵՍԿՕ-ի Մասնակցության ծրագրերի շրջանակներում «Ալեքսանդր Սպենդիարյան» սկավառակով ալբոմ-գրքի թողարկում» միջոցառման իրականացմանն աջակցելու նպատակով

Հ Ր Ա Մ Ա Յ ՈՒ Մ Ե Մ

1. Հաստատել «Ալեքսանդր Սպենդիարյան» սկավառակով ալբոմ-գրքի թողարկում» միջոցառման ծրագիրը՝ համաձայն հավելվածի:

2. «Հայաստանի Հանրապետության 2021 թվականի պետական բյուջեի մասին» Հայաստանի Հանրապետության օրենքի N 1 հավելվածի N 2 աղյուսակի «1168. Արվեստների ծրագրի» «11023. ՅՈՒՆԵՍԿՕ-ի Մասնակցության ծրագրի շրջանակներում աջակցություն Հայաստանում մշակութային ծրագրերին» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից (տող՝ «Միջազգային մշակութային համագործակցության իրականացում, սփյուռքի հետ համագործակցություն, հայ մշակույթի պահպանում») հատկացնել 12416.4 հազար (տասներկու միլիոն չորս հարյուր տասնվեց հազար չորս հարյուր դրամ) դրամ՝ «Ալեքսանդր Սպենդիարյան» սկավառակով ալբոմ-գրքի թողարկում» միջոցառման իրականացման ծախսերն ապահովելու համար:

3. Նախարարության ֆինանսաբյուջետային վարչության պետին՝


1) սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում նշված գումարը «Ա. Սպենդիարյանի տուն-թանգարան» պետական ոչ առևտրային կազմակերպությանը հատկացնելու մասին պայմանագիր (այսուհետ՝ պայմանագիր):


2) Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել ֆինանսական հաշվետվությունների ընդունման և պայմանագրով նախատեսված աշխատանքների հանձնման-ընդունման արձանագրությունների կազմման և ստորագրման ներկայացնելու գործառույթներ:

4. Նախարարության մշակութային ժառանգության և ժողովրդական արհեստների վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմալյանին:

ՎԱՀՐԱՄ ԴՈՒՄԱՆՅԱՆ

 Invalid signature

X 

ՎԱՀՐԱՄ ԴՈՒՄԱՆՅԱՆ

Signed by: DUMANYAN VAHRAM 1909620211

Հավելված
 ՀՀ կրթության, գիտության,
 մշակույթի և սպորտի նախարարի
 «12» «11» 2021 թ.
 N 1853ԱԿ որոշմանի

ԾՐԱԳԻՐ

«Ալեքսանդր Սպենդիարյան» սկավառակով ալբոմ-գրքի թողարկում» միջոցառման

1	Կազմակերպության անվանում	«Ա. Սպենդիարյանի տուն-թանգարան» ՊՈԱԿ
2	Կազմակերպության գտնվելու վայր	Ք. Երևան, Նալբանդյան 21
3	Ծրագրի անվանում	«Ալեքսանդր Սպենդիարյան» սկավառակով ալբոմ-գրքի թողարկում»
3.1	Բովանդակություն	<p>Ալեքսանդր Սպենդիարյանի կյանքի ու ստեղծագործական ուղու մասին մինչ այժմ տպագրված գրքերը հայերեն կամ ռուսերեն լեզվով են և օտարալեզու՝ հիմնականում անգլիախոս մարդկանց համար հասանելի չեն։ Նրա ստեղծագործությունների ձայնագրություններ արվեն են 20-րդ դարի 70-80 ական թվականներին։ Կան մեծ թվով ստեղծագործություններ, որոնք մինչ օրս ձայնագրված չեն և անհայտ են մնացել հանրության համար։</p> <p>Սպենդիարյանը իր կյանքի մեծ մասն ապրել է Ղրիմում, ուսանել Մոսկվայում և Սանկտ-Պետերբուրգում, կյանքի վերջին տարիներին տեղափոխվել Հայաստան։ Ուստի նրա վերաբերյալ արխիվային նյութերը սփռված են տարբեր արխիվներում, որը դժվարացնում է ուսումնասիրողների գործը։ Այս բոլոր խնդիրները մեկտեղելով, կարևոր և արդիական է երկլեզու պատկերագրքի և ձայնասկավառակի մի ամբողջական մնայուն արժեքի հրատարակելու գաղափարը։ Այն օգտակար կլինի և՛ ուսումնասիրողների, և՛ երաժիշտների, և՛ ընդհանրապես հասարակության լայն խավերի համար։ Աշխարհում սփռված շատ հայորդիներ, որոնք չգիտեն հայերեն, հնարավորություն կունենան անգլերեն լեզվով ծանոթանալու մեծ կոմպոզիտորի ժառանգությանը։ Պատկերագիրքը կներառի փաստագրական նյութեր՝ լուսանկարներ, ձեռագրեր, համերգային ազդագրեր ու ծրագրեր, անձնական իրեր որոնք պահվում են, թե՛ կոմպոզիտորի տուն-թանգարանի, թե՛ այլ արխիվներում ու ֆոնդերում։ Դրանցից մեծ մասը կհրապարակվի առաջին անգամ։ Ձայնասկավառակում տեղ կգտնեն կոմպոզիտորի թե՛ հայտնի, և թե՛ մինչ այժմ հազվադեպ կատարված համամարդկային արժեք ներկայացնող ստեղծագործություններ։</p>

3.2	Նպատակ	Ծրագրի նպատակն է «Ալեքսանդր Սպենդիարյան» սկավառակով ալբոմ-գրքի» տպագրությամբ մեկտեղել Ալեքսանդր Սպենդիարյանի կյանքի ու ստեղծագործական ժառանգության ամբողջականությունը:
3.3	Անցկացման ժամկետ	2021 թ. նոյեմբեր - դեկտեմբեր
3.4	Անցկացման վայր	ք. Երևան
3.5	Ակնկալվող արդյունքներ	Ծրագիրը հնարավորություն կտա հանրայանցներին թանգարաններում և արխիվներում պահվող այն նյութերը, որոնք տեսանելի չեն հանրության համար: Այս ամբողջական պրոդյուկտը կդառնա միջոց մարդկությանը փոխանցելու այն մնայուն արժեքը և ձեռքբերումը, որը կունենանք ծրագրի իրականացման արդյունքում՝ պատկերագիրք-ձայնասկավառակի տեսքով:
3.6	Ոչ ֆինանսական ցուցանիշներ	Ծրագրի արդյունքում կտպագրվի «Ալեքսանդր Սպենդիարյան» սկավառակով ալբոմ-գիրք»՝ 250 տպաքանակով: